

Broj: 01-04-6-04633-7/2020
Sarajevo, 12.1.2021. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja preporuke Komisije za javne nabavke 01-04-6-04633-6/2020 od 12.1.2021. godine, Direktor Federalne uprave za inspeksijske poslove u ime ugovornog organa, donosi

O D L U K U

o izboru najpovoljnijeg ponuđača i dodjeli ugovora

I

Prihvata se preporuka Komisije za javnu nabavku broj 01-04-6-04633-6/2020 od 12.1.2021. godine, te se ugovor o javnoj nabavci usluga servis i održavanje vozila LOT 3 Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Saradis“ d.o.o. Sarajevo, koji je ponudio najnižu cijenu tehnički zadovoljavajuće ponude.

II

Ugovor sa ponuđačem „Saradis“ d.o.o. Sarajevo, zaključit će se pod slijedećim uslovima:

- ukupna cijena bez uračunatog PDV-a 21.760,00 KM, odnosno 25.459,20 KM sa uračunatim PDV-om
- isporuka usluge će se vršiti sukcesivno u skladu sa potrebama Ugovornog organa
- ugovor će se zaključiti na period od 1 godine od dana zaključivanja istog
- rok plaćanja je 30 dana od dana prijema mjesečne fakture na protokol Ugovornog organa.

III

Izabaran ponuđač iz člana I odluke je dužan u roku od 5 (pet) dana od dana prijema odluke dostaviti ugovornom organu dokaze kojim dokazuje svoju ličnu sposobnost u skladu sa članom 45. Zakona o javnim nabavkama Bosne i Hercegovine, i to:

- uvjerenja nadležnih organa kojima se potvrđuje da je ponuđač izmirio svoje dospjele obaveze, a koje se odnose na doprinose za penziona i invalidsko osiguranje i zdravstveno osiguranje
- uvjerenja nadležnih organa kojima se potvrđuje da je ponuđač izmirio svoje dospjele obaveze u vezi sa plaćanjem direktnih i indirektnih poreza.

Dokazi iz prethodnog stava ovog člana moraju biti original ili ovjerena kopija, s tim da datum izdavanja originala ne može biti stariji od 3 mjeseca prije dana dostavljanja ponude. Pod danom dostavljanja ponude smatra se dan koji je ugovorni organ odredio u Tenderskoj dokumentaciji kao krajnji rok za dostavljanje ponude.

Ukoliko ponuđač „Saradis“ d.o.o. Sarajevo ne dostavi naprijed tražene dokaze u ostavljenom roku, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

V

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Dana 22.10.2020. godine na Portalu javnih nabavki BiH je objavljeno obavještenje o nabavci predmetnih usluga, broj obavještenja 1292-7-2-20-3-15/20. Nakon objavljivanja obavještenja jedan od ponuđača je izjavio žalbu na tendersku dokumentaciju, nakon čega je odlukom direktora uprave broj 01-04-6-04633-2/2020 od 28.10.2020. godine odgođen nastavak postupka javne nabavke do okončanja žalbenog postupka, odnosno donošenja rješenja Ureda za razmatranje žalbi BiH. URŽ je dana 10.12.2020. godine donio rješenje broj JN2-03-07-1-3108-7/20 kojim je žalbu odbio kao neosnovanu, nakon čega je na osnovu odluke direktora Uprave broj 01-04-6-04633-3/2020 od 24.12.2020. godine postupak nabavke nastavljen. Na Portalu javnih nabavki je objavljena Ispravka obavještenja broj 1292-7-2-20-8-22/20 od 25.12.2020. godine kojim je utvrđeno da će se otvaranje ponuda izvršiti dana 8.1.2021. godine.

Navedenog dana je u utvrđenom terminu izvršeno javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Naziv/ime ponuđača	Koverta ispravno zat. i potp. ili opečaćena	Ukupna cijena ponude (bez pdv-a)
„Connecta“ d.o.o. Sarajevo	Da	53.723,42 KM
„Saradis“ d.o.o. Sarajevo	Da	67.014,37 KM
„Autodelta“ d.o.o. Sarajevo	Da	43.624,00 KM

Javnom otvaranju ponuda nije prisustvovao predstavnik niti jednog od ponuđača koji su dostavili ponude, a zapisnik sa otvaranja ponuda je odmah putem pošte otpremljen na adrese ponuđača.

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled obrazaca i drugih dokumenata.

Pregledom dokumentacije koju su dostavili ponuđači, a koja je propisana u tenderskoj dokumentaciji Komisija je utvrdila da su ponuđači dostavili dokumentaciju koja je zahtjevana u postupku javne nabavke.

Komisija je izvršila provjeru računске ispravnosti dostavljenih ponuda, te u tom dijelu nije utvrdila nedostatke odnosno greške u računanju.

Pregledom i analizom dokumentacije koju su dostavili ponuđači, a koja je propisana u tenderskoj dokumentaciji Komisija je utvrdila da su ponuđači dostavili dokumentaciju koja je zahtjevana u postupku javne nabavke. Svi ponuđači koji su blagovremeno dostavili ponude i koje su otvorene na javnom otvaranju ponuda obavljenom dana 8.1.2021. godine su dostavili dokaz da njihove ponude ispunjavaju uvjete za primjenu preferencijalnog tretmana domaćeg, u skladu sa formom utvrđenom tenderskom dokumentacijom. Odlukom o obaveznoj primjeni preferencijalnog tretmana domaćeg („Službeni glasnik BiH“, broj 34/20), i to članom 1. stav (1) tačka a) je propisana obaveza ugovornog organa da primjeni cjenovni preferencijalni tretman isključivo u svrhu poređenja ponuda. Isto tako je tačkom b) člana 1. propisano da je ugovorni organ prilikom obračuna cijena ponuda, u svrhu poređenja ponuda, obavezan umanjiti cijene domaćih ponuda za preferencijalni faktor domaćeg od 30%.

Slijedom navedenog, a obzirom da su svi ponuđači dostavili dokaz da njihove ponude uživaju preferencijalni tretman domaćeg, prestala je postojati svrha umanjivanja cijena za preferencijalni faktor domaćeg, pa shodno tome isti nije ni primjenjen.

Postupak e-aukcije je održan u terminu koji je komisija odredila odnosno dana 11.1.2021. godine i trajao je od 14,30 do 14,54 sati.

Iz izvještaja je konstatovano da su ponuđači dali slijedeće konačne cijene svojih ponuda:

- „Saradis“ d.o.o. Sarajevo, konačna cijena bez PDV-a: 21.760,00 KM
- „Autodelta“ d.o.o. Sarajevo, konačna cijena bez PDV-a: 21.812,00 KM
- „Connecta“ d.o.o. Sarajevo, konačna cijena bez PDV-a: 43.535,00 KM

Također, uvidom u izvještaj o toku i završetku e-aukcije, utvrđeno je da je ponuđač „Saradis“ d.o.o. Sarajevo u postupku e-aukcije izvršio umanjjenje ukupne početne cijene ponude za 67,53%.

Imajući u vidu sve naprijed navedeno, Komisija je konstatovala da je u skladu sa kriterijem „najniža cijena“ najpovoljnija ponuda ona koju je dostavio ponuđač „Saradis“ d.o.o. Sarajevo, te je Direktor Federalne uprave za inspeksijske poslove dala preporuku da u ime ugovornog organa donese odluku kojom će ugovor dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke Komisije za javne nabavke, te je odlučio kao u dispozitivu.


Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR

Anis Ajdinović

Dostaviti:

1. „Connecta” d.o.o. Sarajevo, Džemala Bijedića 172b, Sarajevo
2. „Saradis“ d.o.o., Donji Hotonj bb, 71320 Vogošća
3. „Autodelta“ d.o.o. Sarajevo, Bolnička do br. 11, 71000 Sarajevo
4. Sektor za materijalno-finansijske poslove
5. Sektor za tehničku podršku i plansko-analitičke poslove
6. Komsija za javne nabavke (a/a).


13-01-2021